

Maron ko an Jinen im Jemen im Rijikuul Iomwin Jekjon 504, Mōttan D im Kakien im Mennin Aikuj ko an Hawai'i

Hawai'i State Department of Education (Ra in Jelālokjen eo an State eo an Hawai'i)

Ewōr am maron bwe jikuul eo en lewaj melele kin maron ko am iomwin Jekjon 504. Mennin ej juon kōjellā kin maron ko am im an ajiri eo nejum iomwin Jekjon 504 im maron ko am elafē kwōjab errā kin jemlok ko an jikuul eo.

TA IN JEKJON 504?

Jekjon 504 ilo Kakien eo ej Kamo Kalijeklok an 1973, ekkā ad nae etan "Jekjon 504," ej juon kakien an federal ej kejarok rijikuul ro jen aer ioon kalijeklok kin utamwe. Jekjon 504 ej loloorjak an rijikuul ro ewōr aer utamwe maron bōk katak im jibañ ko rej joñan wōt rijikuul ro ejellok aer utamwe. Ñan maron tōbrak, juon rijikuul aikuj wōr an utamwe in enbwin ak kōmelij elab joñan an kadik an maron kōmmāne juon ak lablok makūtkūt in mour.

JELĀLOKJEN EO AN AJIRI EO NEJUM

Ewōr an ajiri eo nejum maron ñan:

- Bōke juon jelālokjen eo ekkar ilo jikuul ko an kien.
- Bōk kwōnaan ilo im jibañ jen burokraam in katak ko an jikuul ilo ejellok kalijeklok.
- Lelok joñan eo wōt ñan ro jet ñan an bōk kwōnaan ilo makūtkūt ko an jikuul rejab ikijen katak im alikin ien jikuul.
- Katak ibben rijikuul ro ejellok aer utamwe ñan joñan eo elabtata ekkar.
- Katak ilo juon jikuul im bōke jermal in jibañ ko rej einwōt katak ko rej bar lelok ñan rijikuul ro ejellok aer utamwe.
- Ebōk mennin jibañ im/ak jibañ ko mōttan ñan kōmelim an ajiri eo nejum bōk kwōnaan ilo makūtkūt ko an jikuul ilo ejellok kalijeklok.
- Ebōk mennin jibañ im/ak jibañ ko mōttan ilo an ejellok wonnen, ijellok wonnen ko renaj etal jen jinen im/ak jemen/rikejbarok eo/ro iomwin kakien an ajiri ro ejellok aer utamwe.

REKOOT IN JIKUUL KO AN AJIRI EO NEJUM

Ewōr am maron in:

- Etale rekoot in jikuul ko an ajiri eo nejum im bōke kabe ko kin juon wonnen eo emmon. Ilo ien ewōr abañ kin jāān, Hawaii State Department of Education (Ra in Jelālokjen eo
- an State eo an Hawaii) (Opj) emaron jolok wonnen an bar kōmmāne peba kein.
- Kajitōk an jikuul eo kajimwe melele ko ilo rekoot in jikuul eo an ajiri eo nejum elafē kwōj tōmak ebōd, ejab jejjēt, ak ej kakkure maron ko an ajiri eo nejum ikijen wāween aer kejarok im kōmadmōd melele ko an. Ñe jikuul eo enaj makoko in kōtōbrak kajitōk eo am, ewōr am maron in jumae makoko in ilo am kajitōke juon ien roñjak kin ejellok kalijeklok.
- Juon uwaak ñan kajitōk ko am emmon joñaer ikijen kōmelele ak ukok in rekoot in jikuul ko an ajiri eo nejum.

MADMŌDIN JEKJON 504

Ewōr an ajiri eo nejum maron ñan juon etale mokta jen an jikuul eo loe ke emaron tōbrak iomwin Jekjon 504. Ewōr am maron ñan:

- Bōke kōjella eo mokta jen an jikuul eo kōmmāne jabdewōt kōmadmōd ikijen aer kalikar, etale, im jikin eo renaj likūt ajiri eo nejum.
- Loloorjak an jemlok ko jen etale im jikin eo renaj likūt kōmman jen ibben kumi ko, ekkā ad nae ettaer juon "kumi in 504," ekoba armij ro rejelā kajeen ajiri eo nejum, wūnin melele in etale, im jikin ko remaron likūt ajiri eo nejum.
- Loloorjak an jemlokin etale ko ekkar ñan eloñ jikin ko. Waanjoñok in jikin ko ekoba, bōtab, ejab jemlok wōt ñan laajrak: kūreat ak ripoot in katak, jinen im/ak melele jen jemen/rikejbarok eo/ro iomwin kakien, melele jen rikaki,
- ro rej lale, jermal in lemaanlok ko ikijen mūtōn, im teej ko ewōr karōkier.
- Makoko in lelok kōmelim ñan etale eo im kakien ko kin jermal in jibañ iomwin Jekjon 504.
- Kōmmāne juon bebe in Jekjon 504 ilo ien mennin jibañ im jermal in jibañ ko mōttan rej mennin aikuj ñan bōk jelālokjen eo ekkar ilo jikuul in kien ñan kobalok ilo makūtkūt ko an jelālokjen ilo ejellok kalijeklok.

Ñe ajiri eo nejum emaron tōbrak iomwin Jekjon 504, ewōr an ajiri eo nejum maron ñan ien ko ñan bar etale, ekoba bar etale ko mokta jen an kōmman jabdewōt oktak elab ilo burokraam im/ak jikin eo renaj likūt ajiri eo nejum. Ñe ewōr jabdewōt kajitōk ak abnōnō ikijen bebe in Jekjon 504 eo an ajiri eo nejum, kebaak rijermal in opj eo ilo jikuul eo an ajiri eo nejum ak ritel eo an jikin eo elab ñan jibañ.

ÑE KWŌJAB ERRĀ KIN JEMLOK EO AN JIKUUL EO

Ñe kwōjab errā kin jemlok eo an jikuul eo ikijen aer kalikar ajiri eo, etale, burokraam in katak, ak jikin eo rej likūt iomwin Jekjon 504, kwōmaron kajitōk juon ien kenono ak juon madmōdin ien roñjak ejellok kalijeklok. Ewōr am im an ajiri eo nejum maron in bōk kwōnaam ilo ien roñjak eo im an juon loar jutak ikijem. Kajitōk ko kin juon madmōdin roñjak ejellok kalijeklok renaj aikuj bael ilo jeje ñan ritel eo ilo jikin eo elab an jikuul eo an ajiri eo nejum.

Ewōr am maron in baele juon abnōnō ikijen kalijeklok ibben Civil Rights Compliance Branch (Jikin eo ej lale an loor kakien ikijen maron ko an armij) an Opj eo.

Hawai'i State Department of Education
Civil Rights Compliance Branch
Email: CRCB@k12.hi.us
Telebon: (808) 784-6325

Ebar wōr am maron in bael ibben U.S. Department of Education's Office for Civil Rights (Ra in Jelālokjen eo an Amedka Opj eo ej bōk eddon Maron ko an Armij)

U.S. Department of Education
Office for Civil Rights (OCR)
915 Second Ave, Room 3310
Seattle, WA 98174-1099

